

La **doturia Grete Mahlknecht** é demez dai 21 cina ai 24 (lönesc - jöbia) de dezëmbër y vëgn sostituita dal dr. Agreiter 0474 532 315 - 333 1 380 852

COMUN: La **Staziun Carabinieri** Al Plan lascia alsavëi ch'al pó sozede ch'al vëgnes invié ia - ince por telefon - trapolades da pert de porsones che dij de fá pert dl'Arma di Carabinieri. Sc'i ciahëis de te telefonades y dubitëis, podëise telefoné al nr. 0474 501 031 (Al Plan) o al nr. 112. I carabinieri ne vënn nia foliec por telefon.

PLOANIES SAN MARTIN Y LUNGIARÜ

Al vëgn bele šëgn lascé alsavëi che les **Madovines** sará a San Martin dales 20.00, olach'al gnará ince tut ite i mituns tla zelebrazium, y a Lungiarü dales 22.00.

La gran mëssa da Nadé sará a Lungiarü dales 8.30 y a San Martin dales 10.00.

Por chi che arjigna **fosses nöies**: i minass ch'an podess lascé demez les zorghes, ma mëte na crusc cun le retrat y les dates y mëte lapró n cop por ciüf; incëria romagnessel bel vert (an pó l'odëi a Bornech y a Antermëia). La cossa slisirass le laur da sié l'erba.

Le Ploan

Cors, grups de ciantarins o de musizis é dër bëgnodüs ince **a Oies a daidé festejé les mësses** dla sabeda dales 16.00. Chi che foss intenüs da cianté o soné val' sabeda ia por l'ann é periá da s'anunzié pro Stefan Piccolruaz 339 15 29 540.

Vigni pröm vëndres dl mëis é l'adles 20.00 tla capela na adoraziun eucaristica.

Poscibilità da jì a se confessé a Oies vigni dé dan o do mëssa. Al basta da se lascé adintëne pro pater Jan (ince te ciasa).

LUNGIARÜ

Les **surastantes dla Uniun dles Ères** gnüdes litades é: Hannele Sorá, Rita Daporta, Anita Sorá, Karin Mischi; a d'ères n prëibel y n dilan.

Incö, domënia, ai 13 de dezëmbër, **fej les Patrones dl raiun de Puster na mostra da Nadè** tl Michael Bacher Haus a Bornech. Tratant vëgnel ciaré di pici mituns. Al gnará fat checs y i podëis ince nen mangé. Tla mostra é l'adles vigni sort de de bi laurs fac dales patrones. La daurida dla mostra é dales 10.00 cina les 18.00. Gnide, al paia la möia.

La Scora de Musiga dla Val Badia tēgn n **Conzert da Nadé** en dedemesaledema ai 16 de dezëmbër dales 18.00 tla dlijia de San Linert a Badia. Düc é dër bel invia.

L'Orchestra Val Badia tēgn adöm cun l'orchestra jonila, n cor dla scora de musiga y le grup Mamblix n conzert d'Advënt y de Nadé sot al titul „lominus y ligrëza“. Lapró vëgnel presenté pinsiers y imajes de meditaziun. Le conzert é da aldí en sabeda, ai 19 de dezëmbër dales 17.00 tl salf dl Istitut Ladin a San Martin. Düc é invia.

Bonus bebé: Por i mituns che nasc danter le 01.01.2015 y i 31.12.2017 pón ciahé n sostēgn de 80 euro (te valgügn caji 160 €) al mëis. L'ISEE (situaziun economica dla familia) ne pó nia superé 25.000 € al ann. Chësc bonus statal é compatibl con le contribut regional ales families. La domanda é da fá al plü tert cina 90 dis do la nasciüda. Le patronat KVW-ACLI, a Bornech dëida fá la domanda, dal lönesc al vëndres dales 8.30 – 12.00, o domisdé, dailó sön prenotaziun 0474 411 252.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

13.12. - 20.12.2015 nr. 3

termo da publiché: jöbia 20.00
radio: 90,40 / 93,70

3^a DOMÈNIA D'ADVÈNT - C

Vangele: Lüca 3.1-6

Te chël tēmp èl la jënt che damanâ Jan Batista:

Ći dësson pa spo fá?

Al ti à respognü: Chël che à dui guané,
ti an dais un a chël che nen n'á degun,
y chël che à da mangé, fejes ince insciö....
No ghireda deplü co ch'al n'é scrit dant.....

Ne stede a maltratè degügn,
ne recatede degügn,
accontentesse cun osc paiamënt!
Le popul è plëgn de aspetanza,
y tl chît se damanâ düc,
sce Jan ne n'è nia forsc instës le Messia.

Mo Jan ti dë a düc la risposta: Iö ves batiëii cun ega.

Mo al nen vëgn un che é plü sterch co iö, y iö ne sun nia dëgn
de ti dejciolè i óialzà. Èl ves batiarà cun Spirit Sant y cun fùch.

*Chësc é le program de converjiun de Jan Batista,
gnanca tan val' de extra. Vire indortöra, se tigní
ales leges, ester iüsc y ne trapolé degügn, chël
vá bëgn, mo partí y orëi bun cina ch'al fej me,
chël é bele plü ri.
Mo chël ói impó fá: vigni de renunzié a valch y
insciö mëte valch da na pert, y chël ói dé jö ala
fin dl Advënt por i bojëgns dla ploania o ales
organisaziuns de aiüt che prëia do nosta oferta.*

Jan Batista á val'
d'important da me dí:
Al ó ch'i me toles me
y mia vita söl sciode.
Sc'i me toli me
y mia vita söl sciode,
spo mëss so invit
ala converjiun,
m'invalëi val'.



Proponimënt concret de siur Iaco por chëst'edema:

- confidii vigni de danü che la providënza de Dî me tēgn toch tla man
- i ó me stravardé da dui mai: dal stress y dala pisima

	SAN MARTIN		LUNGIARÜ
13.12.15 3^a DOMËNIA D'ADVËNT - C	6.30 Rorate tl Dom da Porsenú y daurida dl Ann Sant dla Misericordia 9.00 Corona por la def. Emma Trebo Conrater 9.30 Gran Mëssa dla comunité	13.12.15 Domënia	<i>Festa de Santa Lizia, Patrona da Lungiarü</i> 8.30 Corona 9.00 Mëssa solëna en onur de Santa Lizia
14.12.15 Lönesc <i>Jan dla Crusc, Franziska, Bertold</i>	19.30 Funziun penitenziala y confesciuns	14.12.15 Lönesc	19.30 Funziun d'Advënt
15.12.15 Dedolönesc <i>Cristina, Maria Cruzifixa, Carlo, Nina</i>	19.30 Rorate RO por families de Maria Sorá, La Flu 3 ^a de sopoltöra de Emma Trebo Conrater + Paul Prousch, mone	15.12.15 Mertesc	19.30 Zelebraziun dla Parora de Dî
16.12.15 Dedemesaledema <i>Adelheid, Ado, Dietrich, Albina</i>	19.30 Rorate tla Ciasa de Palsa RO por le personal + suor Maria Paula Fontanella	16.12.15 Mercui	7.50 Rorate di scholars dl ann + Iaco Clara + Clara Deiaco + suor Maria Lucia Clara 14.30 Confesciuns dla elementara
17.12.15 Jöbia <i>Lazaro, Iolanda, Viviana</i>	7.30 Rorate di scholars families de Hilda Sottara dl ann + Bino Pedevilla + + Sciandro y Hannele Trebo, Tasser Corona por vocaziuns 14.15 Confesciuns dla elementara	17.12.15 Jöbia	19.30 Funziun penitenziala y confesciuns
18.12.15 Vëndres <i>Filip, Grazian</i>	14.15 Confesciuns dla mesana 19.00 Adoraziun chîta 19.30 Zelebraziun dla Parora de Dî	18.12.15 Vëndres	19.00 Confesciuns 19.30 Rorate RO di jogn RO por Albino, Gusta y families RO por families de Marino Clara
19.12.15 Sabeda <i>Pire, Conrad, Tea</i>	15.30 Rorate tla Ciasa de Palsa 18.30 Mëssa prefestia RO dles families de Albert Moling + siur Heinrich Videsott + + + Arcangel, Nane y Monica Zingerle	19.12.15 Sabeda	20.00 Mëssa prefestia RO di Iagri y Pëiapësc RO dla Uniun di Èi RO di Stödafüch RO por families de Giovanni Mischi, Frëina

20.12.15 4^a DOMËNIA D'ADVËNT - C	9.00 Corona 9.30 Gran Mëssa dla comunité	20.12.15 Domënia	7.55 Corona 8.15 Gran Mëssa dla comunité
--	---	-----------------------------------	---